

儀鄭堂駢體文

冊全

愛國詩集

卷一

儀鄭堂駢體文

集

四倍衛要

哀連書

一首

祭文五首

賦二首

詩

詩

關

里

不廣

四部備要

集部

上海中華書局據原刻本

校刊

桐鄉 陸費達總勘

杭縣 高時顯輯校

杭縣 吳汝霖校

丁輔之監造

駢儷文目錄

儀鄭堂

闕里 孔廣森 驛軒

卷一

賦二首

頌一首

摺子三首

呈文一首

書三首

札四首

卷二

序十二首

記二首

卷三

書後三首

論一首

連珠九首

誄二首

哀辭一首

祭文五首

駢儷文卷一

儀鄭堂

四極四和賦

維乾隆三十有六年恭遇

崇慶慈宣康惠敦和裕壽純禧恭懿皇太后八旬萬
壽慶典

皇上奉

安輿東巡狩試多士于方岳之下遂

莅軫乎闕里衍聖公

臣

昭煥命

臣

廣森爲獻壽之詩

九章被諸中和韶樂以臚輿歡罄虔祝

上顧而嘉之有

詔卽以前試題試

臣

廣森

臣

廣森時已入京師應禮

部試未獲躬奉

恩德聞

命感激謹用

欽授四極四和題目擬作賦一篇竭盡髦髦之思庶
備太平之謳詠

臣聞天之大數在于十二循明霸以成歲望閒衡以
列次匠人象而通門虞氏法而畫地乃若河圖坎離
奠居亦有洛書衝柱承區歛素曜于鮮方振青英于
大塗火掞長麗之羽水流不若之虛蒼龍見而冲虎
赤馬馳而對鼠漢闕峙其雙名周鼎著其履武咸旁
鉤乎四維以縱橫乎中五極者至也故分至爲時之
交極又中也故孟季爲仲之輔日集其辰四節和均
秋灰南呂夏管蕤賓天鼃朔聚月駟東陳是風雨之
所會實和羲之所殷玉衡旋左金樞轉右北杓鄰陽
德之宮西柄合攝提之首貞大威則巨蟹移躔建高

叢則鬱車入宿赤道平而銀箭均宵黃極遠而金徒
變漏盛德王其鄉貴神壇其緒靈威既謝從以慄怒
汁光未迎先以招拒邠葦來寒陶冥往暑辨方正位
幹流錯行天元窮于析木人正起于登明齊甘芥苦
堇落芸榮金門律暖玉燭階平來風曰俊書雲必卿
於以順我時憲而光我化成仰惟今

皇帝首出虹流篤生華渚在重光之歲陽值亶安之
紀序仲秋圉壯吉日庚午年符乎出震時應乎執矩
昔素王之降紱聞帝車之南指今青史之吹銅見招
搖之北底歲月日時卯酉午子式金匱于六陽正璿
璣于四履是以覽乎青陽開動數祥觀乎總章擎肅
頒常兆乎南郊長贏以昌禮乎北折富媪以臧則天
之運授地之方乘中建極負陰抱陽含五德而和會

躋九宇而壽康

赤嬰母賦

丙申之夏讀同年洪中書

榜

赤嬰母賦愛其詞致輒

復同作然正平賦是鳥寄其怨思僕旣無所託附諸
侔色揣稱詠物之體云爾

若乃蒼華代謝朱陽在天桃茵舊落榴火新然赤闌
曲亞朱綴方連珊瑚鉤捲火齊屏懸筠籠乍啓有鳥
疑仙生西土兮質異稟南方兮色鮮戢紅襟之采采
舞紺趾之躑躑似緋衣之纖縠若朱組之翾翾渥赭
之姿非擬竊丹之號仍傳啄沈李而輕脣不辨銜落
櫻而細嘴相研然而棲之瓊宇貯以雕櫺徘徊栢繡
迴眺題璇胭脂深井綺燭虛筵方聆宛轉未訴纏緜
吐禽言而舌銳學蠻語而吭圓呼晨顧影聲夜驚眠

紅豆相思之怨枯桑遠道之篇亦有雀來鄠戶鳥集
吳年鷺魚雅于茹下雁翁雜于池前莫不頡頏共色
毛羽同憐彼蜀道之素翎隴坻之黃翼尙未足以先
焉

武成頌

臣聞九乾垂象金精耀參伐之旗八索臚占雷豫習
行師之繇是以軒皇御籙先修赤水之征唐后垂裳
必輯青邱之暴亦有周宣薄伐近在太原殷武哀師
不踰荆楚而三年有賞易已象其成功千里來歸詩
尙歌其永久方之今日靡得而言焉欽惟

皇帝陛下秉武三曾抗稜八表銀麋拓地金虎開圖
建木以西鑿空萬里長榆而北列燧千城象載形方
規矩上黃麟之瑞銅街闢邸呼韓刑白馬之盟雲呂

十旬記里之車合軌鞅胥九譯叢幣之史同文幽遐
畢屆其梯航泰遠咸歸乎幪幬而禹功不到西流自
絕于朝宗梟性難馴東徙仍迷于革響乃有兩金川
者鼈令游魂犬猺餘孽化殊天外犯焚塞以稽誅俗
遠華中比夜郎而自大粵在卯辰之歲曾興戊己之
師宥以投戈許其載木

恩寬豐社未封武觀之鯨鯢榮假分符俾禦危山之
魑魅而乃獍心反噬鴟義矯虔不格兩階之干自投
一面之網促浸土司索諾木負阻窺覷憑遐翻覆稀
蛇薦食屢及于鄰疆蠻觸尋爭漸連于內地趲拉土
司僧格桑蛩與駟比羆本羆生外順內違每泄駒支
之語高巢陞制擅詢句町之仇議者猶以天險不可
升鞭長莫能及轡野修戎之日亦緩前禽螽山合玉

之年非無後至文臣臆決請罷守于珠崖

哲后沈幾命洗兵于玉壘蓋以王鈇威遠睽矢勝殘
保大定功有征無戰三辰所照靡亭毒而或遺九伐
無私孰孤離而必討於是發軍城郭簡銳微盧闕虎
朝鋪人問沈黎之罪跼鳶夜渡衆爭敵愾之功師出
一年月聞三捷僧格桑棄地而遁小金川全境以降
然而虎負嵎閒困猶思鬪鷹棲韞上飽卽背人此則
因壘之師所以勞其再駕渡瀘之役必將示以七擒
者也

聖天子旻晷思賢綸書策將重鑿門之命寄專閫之
司爰以阿桂爲定西將軍營平受律羌罕料其成禽
裴相視師淮蔡聞而悸魄若乃隆衝第第旗鼓堂堂
朔簞燕弧韓章鷁幟索倫蹶張之卒吉林超距之徒

八旗試弁之倫六郡良家之子
駟車百雉挾風隼以駢驅
箬矢三鑱怯雲雕而墜影
庚鈴制勝九天九地之兵
甲帳懸符四正四奇之陣
再平美諾一掃荒陬繫彼
妻孥降其部落月氏已死
漆函傳飲器之頭徵側爲
俘驛騎致蠻銅之鼓唯是
逆酋索諾木連雞失勢知
必及于

天誅鋌鹿已窮猶自恃其地
利環山列柵背水施礮奮
螳臂以當輪網蝥絲而結
衛羊腸西轉自回九折之
谿牛尾東來未鑿五丁之路
雪凝陰坂經炎夏而不消
日遠陽關積漏天而生瘴
我師長馳渠答直冒槍雷
指揮則屋瓦皆飛叱咤則
丸泥失險危城折箸械九
設而九攻壯士乘墉布再
懸而再斷文淵負羽獨進
壺頭士載裹氍親踰劍閣
遂以乾隆乙未八月

十五日破勒烏圍戈矛照月鸛鵝之隊彌雄旌旆生
風鴨驚之聲盡亂斯時也

天子方講藝螭坳修文虎觀咨儒官于劉向遣謁者
于陳農羽檄星馳疊下五申之令銅籤夜警仍披二
酉之編豈非天亶聰明

聖兼文武者與刮耳崖者軍道之衿喉賊居之窟穴
地稱巖邑山挺石林孝子望而旋車元侯行而束馬
六師并力五尺略通道古攻其東南亞夫備其西北
九重籌筆乃懸御于氏羌三帥宣猷更分功于郤范
狼弧氣肅曠弩先飛箕壁星高火輜具舉進攻黃寺
震讐其祆神屢獲殃徒係纍其母妹我氣方銳破竹
無頓刃之勞彼力益殫窾木有丁衝之急幕危燕散
鼎沸魚驚方陳縛主之求始請吠堯之罪今年二月

四日索諾木兄弟就禽治罔脅從誅無填服金城上
奏七朝達于長安都護飛書五日聞其吉語葱靈執
訊露版慶成比赤囊報至之時當

翠蓋巡行之地勛過獲嘉之改縣事同聞喜之名鄉
皇上展謁

兩陵奏膚

七廟靈臺上祭卽陳丹水之功畢郢升祠自兆素鱗
之慶善歸

聖母敬上

徽音奉

慈輦以豫遊遵翕河而哀對杏花菖葉兼省春耕茆
水芹宮式迎秋駕泰山玉策探瑞算之無疆魯殿金
絲告武成之有截旣而赤融效職朱陸移躔襄城迴

訪道之

輿巴徼振凱旋之旅條侯之屯細柳擐甲冑以來朝
耿弇之在臨淄降乘輿而親勞然後有事

宗

社大獻馘俘秋官請纓夏卿執鉞戒彼費留之賞廣
我通徹之封鉅鬯青圭來召公于漢澣葱珩赤芾拜
方叔于新田李霍勛名咸開東第鄂褰毛髮並繪南
宮雅奏勤歸軍容譁扣玉關偃革紫塞銷兵鶴膝羊
頭仍入蘭錡之庫龍文驥子散歸仙掌之山雖復金
母環來樊侯鼎出冠軍絕幕刻石字于狼胥博望浮
槎控河源于牛渚未若殊鄰稟朔荒裔占風寶布時
供賧錢歲納冉駹邛笮交輸流沫之珍奇傑侏侏儻
疊聽提官之謳詠是則豐京王會列三臺于陰羽之

中洛水明堂朝九采于應門之外不假銜鉤之后載
十一征豈惟通譯之邊餘四萬里赫赫乎

至人之聲靈煌煌乎來許之盛美綜茲經緯可咸五
而登三勒之簡編將襲六而爲七者已

臣

廣森忝列

鵷行粗窺豹管聞西戎之耆定均慶于並天念東土
之瞻光感榮于私渥懷深睇尹語罄揄揚雖不工于
文章尙慚朱鷺饒歌之作庶以載夫功德亦附白狼
槃木之餘謹獻頌曰

於鑠

上聖奄有下矩象寄柔逋龜沙卽敘奇幹善芳肅慎
文啓東漸日蝕西底月戶孰敢不庭膏我齊斧九姓
內藩廿年外侮蠹讎大邦侵擾西土邊吏上言

宸居赫怒秉節凋牙發璋徵琥桓桓定西國之彊禦